

上虞縣志校續卷十一

列傳目七 人物

王世功 哈方鼎新 黃應乾 周祖唐 陳萬林

曹二鳳 袁翊元謝衢亨 丁寶邦 陳泰交 曹鳩 張自偉

俞得鯉 得鯉 李平 章振宇 俞有章

葛翊宸 唐姓 徵麟徐元玟 徐增燦 曹之參 謙吉恆吉

章鼎吉 成惟悌 姚鼎 楊文蔚 徐復恆 范廷耀 林貞儒

徐驤 宋球 葛延濂丁廷瑞 張成元 宏訓宏毅 王全璧

胡元彪 鑌仁耀 鑰 超然 陳啓麟 俞木

上虞縣志校續 卷十一 人物

陳文煥 朱鼎祚 麟圖 何惟貴 徐旦 陳岸三 全義僕

張鳳岐 陳皓瑜 詩 韓玉儉 雲 徐咸清 允定

錢 霍 杜淇英 丁 鶴 范 蘭

鄭平 謨 趙完璧 震陽 陳步雲 謝寧渙

陳作霖 羅羽豐 謝宗嶽 徐允達 自信

趙殿最 胡世昌 夏熙 李蘇 姚日炎

徐雲祥 雲瑞 葉蓁 李國梁 陳赤爲 黃肇敏

徐肇楠 陳兆成 徐錫川 允章 夏攀龍

國朝一



王世功字九維誠之子世功幼嗜書慷慨有大志重然諾  
尚節俠長遊江淮間父卒客燕數年時母弟振遠在山海  
關爲總戎陳東明器重世功往探之一時人傑劉方輩皆  
與定交尋抵祖大壽幕爲規畫時務 大兵破大凌河世  
功隸廂黃旗漢軍會遼左建孔廟置博士世功補弟子員  
乙酉 特旨召用偕秦端寰等二十人詣闕丙戌授晉州  
知州甫下車卽葺學宮贍熒獨剔奸弊均徭役盜相戒不  
入境築滹沱河舊堤數萬生靈獲免巨浸民尤尸祝不衰  
九閱月行取廣東道御史旋按甘肅等處秦民困漢運干

里陸行世功請以楚糧濟漢中以秦賦抵楚額大吏韙其  
言兼督臨洮鞏昌學政崇雅黜浮士風一變會涼州差官  
擄民婦回族殺差官反甘州回俱反世功在蘭州蘭回買  
燈華亦聚黨鼓噪世功呼至案前責以大義不敢遽發未  
幾蘭州失世功守鞏昌賊復糾甘肅諸回至適總督孟喬  
芳來援夾攻之賊死幾盡甘肅臨洮等郡以次復喬芳欲  
深相結世功違其意以是功不上聞庚寅督長蘆鹽政安  
竈通商齊雜誦之以拂當路意調金華縣令辭以祖籍越  
郡不許遂於順治九年八月赴任凡金華府廳公署暨學



宮皆爲兵燬次第葺治之並捐貲修宏濟通濟二橋又給  
貲七寶寺僧檢埋枯骨不辭勞費其他修邑志清里役革  
除錢糧火耗禁止餽送百廢修舉士民感服丙申舉卓異  
特賜袍帽以示褒寵任金華十一載繼升知府以年老  
致仕康熙志兼家傳張尙撰事略○世功幼弟鎮遠原名  
洪宰官游擊常入海追叛寇沈子祥捐軀見家傳  
長子毓麟字遇鳴諸生嘗散金辭榮遄歸子舍亦奇士次  
汝錦三子哈方鼎新由筆帖式梅勒章京任清流任縣知  
縣母病刲股和藥以進及卒泣血廢食鄉里稱爲孝子後  
入京爲郡馬據家傳

上虞縣志校續

卷十一 人物

三

黃應乾字元甫由恩貢謁選知廣東吳川縣三載有異政  
愛民作士翕然向化順治十年七月西寇葉標陷城昭忠  
祠列  
傳作順治四年土  
寇龍泉等謀叛應乾率兵民巷戰兩晝夜被執不屈死  
之乾隆六十年 賜祀昭宗祠世襲恩騎尉嘉慶志兼廣  
東通志參鄭

僑杭世  
駿撰傳

周祖唐字瑞生居邑之東溪明右副都御史夢尹長子案  
夢  
尹傳不言官副憲周氏譜言陞光  
祿寺卿右副都御史茲故云然 由諸生援例入貢隸東

安籍 皇朝定鼎効力閩撫佟大將軍帳下有功授海澄  
縣教諭順治四年蒞任駐學城城離縣二里許爲商賈海



艦聚泊所學宮在焉六月四日鄭芝龍之子成功破海澄  
遂擾學城執祖唐至舟中祖唐喻成功曰方今四方一統  
爾父束身歸誠分也爾復欲何爲不聽逼令改服祖唐厲  
聲曰我官茲土<sub>盜</sub>斷我頭肯改服耶成功猶豫未決時海  
陽縣進士鄭遵謙在旁力勸殺之謙曾倡亂浙東與祖唐  
有隙遂遇害友人熊雨殷孫碩膚及子夢九收葬於廈門  
水仙宮旁乾隆六十年 賜祀昭忠祠世襲恩騎尉  
嘉慶志○  
案昭忠祠列傳作海寇鄭成功圍城祖唐集鄉勇拒捍誓  
以死守城陷持大義曉諭賊繫至廈門脅降祖唐大罵賊  
怒殺之與此微異

上虞縣志校續

卷十一 人物

四

陳萬林字行一 成童時爲總漕沈清遠父承泉所器招爲  
婿長有大志孝事父母依依未敢遠遊終制始挾策上燕  
都值 興朝定鼎仕蕪湖丞攝縣篆清刑簡訟招集流離  
民賴以安督撫交薦陞徽州府佐惠愛寬和民甚德之引  
年乞歸屬歲歉捐貲施粥通衢全活無算  
康熙志○嘉慶志列孝友順治

初年  
旌

曹二鳳順治三年夏年才十一偕父明宇兄一鳳卧樓下  
母與弟三鳳四鳳卧樓上夜半比鄰火延其廬二鳳偕父  
兄倉皇奔門外覓母不得冒烟登樓母已越窗墜樓下二



鳳乃負攜二弟至梯梯斷至窗窗崩遂同斃次日父覓其屍猶背負手攜堅不可解嘉慶時邑令張德標表其閭嘉慶

志以救母死於火者又有袁翊元字羽公父閻卿曾割股

療親翊元通經術康熙甲午適他出母房中火踉蹌奔歸

再三突火入負母以出翊元身已焦爛遂投淵衆爭出之

無復人形是夜母亡猶蠕動作哀痛狀翌日殞鄉人哀之

白於令作孝子里碑邑人朱文紹作傳徵詩嘉慶志兼乾隆府志○案

邑令崔鳴玉張德標廣文陳石溪諸以萊張萬傑盛炳章與李方湛皆有詩見嘉慶志丁寶邦少孤

事母孝道光八年四月晦寶邦晨往田間布種家失火急

上虞縣志校續 卷十一 人物

五

返不見母問妻曰在樓卽衝燄上負母及梯梯折遂躍而

下膚肉焦爛母亦受傷寶邦勉爲人曰吾無救矣能救吾

母當含恩以酬言畢踰時歿母卒不起謝衢亨字錦山幼

隨父僑居揚州年十八父病危割股以進小愈鄰家火父

卧不能起衢亨突入負父衝烟出父得天年終里黨咸稱

其孝皆據采訪冊新纂

陳泰交字日章順治初山寇焚劫父堯仁被擒入山泰交

挺身代父父曰寇利吾貲汝速去同死無益也泰交乘夜

逃歸鬻家產不足繼以身質錢向寇哀告寇憐其孝釋父



歸不數年海寇又掠其弟泰吉復百計贖歸力耕積貲盡

讓諸弟子祥虹諸生刲股療親康熙志兼李府志嘉慶志○案通志依康熙志列前

明今更正曹鳩字羽君諸生父九龍及弟允吉亦被山寇劫執

鳩踰嶺涉溪入其營求釋許以數百金贖卽鬻產以往寇

曰此義士也令偕父與弟歸據補稿引曹氏譜新纂

張自偉字德宏年十二嘗刲股療母順治二年入邑庠庚

寅山寇王思二索餉擒其父鳴鳳去自偉追至孤嶺將加

刃遂奮臂負父歸寇猝割父首自偉徧求不得慟幾絕夢

神以南池告隨往果得之誓報父仇踰年寇赴縣投誠自

上虞縣志校續 卷十一 人物 六

偉遇之舉利刃刺中其喉死事聞 詔旌其門康熙十三

年入孝子祠康熙志兼家傳通志○案家傳謂後有傳奇

拷餉不遂殺鳳將及自偉給有金瘞倉下願贖死賊往

搜得脫賊怒割父首嘉慶志不詳給金事均列前明

俞得鯉字天赤好古力學有識略凡鄉邑鉅事如巡湖水

築海塘團練鄉兵皆悉力肩任之鼎革後絕意進取杜門

著述輯有全史簡覽今所存者惟種月軒遺草十四卷據備

稿兼遺草新纂 兄得鯉智勇絕人戊子間海寇猖獗偕弟勗義團

練手殲渠魁賊膽落後聞俞家軍輒奔竄不敢復犯據采訪冊

李平字秩南明都御史懋芳之孫奇穎過人甫成童途遇



老翁仆橋下驚詢之知爲病憊躬扶至家鄉黨以寬大期之弱冠登順治甲午鄉薦己亥成進士府志誤選庶常每

遇雙月御試列館元體癯多病庚子旋里築室雲門究

心性理之學學者多造其廬丙午赴京授祕書院編修丁

未分校禮闈得士皆名宿時選詞館英敏者居諫垣首擬

平以才望簡充

世祖實錄纂修官恪共厥職積勞七閱月病劇卒於官年

三十七康熙志

章振宇農家子也柔而善斷不畏疆禦有豪宦耳其富備

上虞縣志校續 卷十一 人物 七

僕騎數十貨金振宇曰我與若不相習貸我者噬我也叱

家人縛之上御史其人哀求乃釋之順治戊子山寇宣岳

等沿邨索餉不與者火其屋振宇集丁壯數千人拒之前

後數戰斬首無數由是寇遂屏息撫按上其事詔旌之

振宇曰吾惟與戚里相保何功之有不拜後壽六十郡守

劉表其門據補稿引種月軒遺草

俞有章字紀方寄籍錢塘順治丙戌舉人乙未會試副榜

授淮安推官發奸摘伏善於平反舊例漕艘過淮官吏率

受餽遺有章不受遇有犯繩之以法軍不敢漏弁不敢漁



擢禮部儀制司主事巨細事例旁搜博采有所條畫多見

施行尋致仕歸

據杭州府志

葛翊宸字紫衡工詩文善琴順治辛卯由拔貢廷試一等

授句容知縣歷任靈陽淝水濠上都梁諸邑卓有政聲以

臨淮蠹胥高鼎假冊陷害罷官羈旅白下三年緼袍糲糗

淡如也著有金陵偶詠客心草

嘉慶志兼詩集序。案家傳作戊子拔貢府志作恩

貢知縣

唐甡字樂生周歲喪父事大父北疇母呂以孝聞善屬文

兼好施與遇貧困捐貲以濟親族有逋糧者鬻產代輸之

上虞縣志校續

卷十一 人物

八

康熙志

子徵麟字公振登順治丁酉鄉薦選府教授未赴任

丁母憂哀毀異常喪葬盡禮性方嚴當時縣官法制未備

錢穀刑名得以意為輕重猾吏因緣為姦自徵麟居鄉皆

憚不敢發邑之利病必為縣大夫言之有不可必力爭康

熙甲寅鄭令僑聘修邑志服闋補處州教授訓士先實行

而後文藝數月間士風丕變時三藩為逆同郡姚熙止督

師處州徵麟故人也且嘗以事德徵麟謂曰大丈夫當効

命疆場立功萬里外苜蓿寒羶豈足了一生事業耶今國

家多事需才甚急公為吾往督諸路餉徵麟感其意遂督



餉監郡曉夜兼行冒寒病卒徐曾燦字旭如貢生工古文

辭鄭令僑亦聘修邑志其族元琰字蒼偕明進士景麟之

孫副貢博學工詩著有粵游集嘉慶志

曹之參字明卿諸生明義士同德兄弟子生而英奇童時

兀岸如成人稍長爲文千言立就負笈者屢常滿積修贄

頗豐公諸兩弟不析產創建阜李湖四斗門悉甃以石郡

守張三異聘修府志固辭不可少與沈文奎共筆硯沈以

大司馬督漕淮上屢致書欲一面不往年八十五卒子謙

吉恆吉據補稿引謙吉字吉士歲貢生皓首窮經能詩與

上虞縣志校續 卷十一 人物 九

從叔章倡和至老不衰據曹氏譜兼恆吉字可久力學工

詩古文詞海內名士爭與交游嘗設帳蘭芎山福仙寺中

以紫陽爲宗論文悉遵先正遠近學者多請業別號曹江

一時競傳曹江門人著有曹江集嘉慶志章字雲鶴同德子

見康熙志諸生性好山水以書畫自適耿逆之變以事歷

甌閩歸築觀瀾堂於湖畔又嘗往來天台赤城久躋棘闈

淡然若忘著有觀瀾集曹謙吉觀瀾集序章從子鼎吉字國器康

熙王子舉人爲文力追先正尤沈酣於左氏著有春秋四

傳纂要嘉慶志



成惟悌字友于順治中由貢任廣西臨川縣知縣後改授  
浙江都司陞湖州副總戎虞邑夫役驛遞二者擾害滋甚  
崇禎時翰林丁進以虞代姚役曾具疏爭之 國初姚鼎  
力控得免至里遞科派如故也每一應差中家之產立破  
康熙二年惟悌歸自臨川痛私派之害民疊控督撫勒石  
嚴禁且免衢穀草米虞民永賴諺曰革驛站成友于除夫  
征姚涵煦涵煦者鼎字也

據補稿采訪  
冊參嘉慶志

楊文蔚其先虞邑人父榮諸生明天啓時隨所親宦上海  
因家焉康熙六年父年八十七病篤文蔚嘗其糞甘號於

上虞縣志校續

卷十一

人物

十

天請以身代不得越十年母痢見血醫者相顧去文蔚痛  
父死莫救今復然生男何爲也剗左臂肉襍澆汁灌之三  
獲三進而母病愈又二年上海任邑令廉其事將獎之文  
蔚泣曰是欲重我以迂德也且予何如人其敢以迂德越  
典禮固辭乃題其門曰以身壽母文蔚爲人謙和好義人  
以孝稱之必變色踧躅卻不受每月吉必詣城隍祠禱願  
減年以益母壽然祕不令諸兄知若惟恐以獨行傷兄意  
者

據嘉慶志兼西河  
集楊孝子傳纂

徐復恆字子初侍父病跋嘗湯藥閱

九載罔倦疾亟籲天祈代剗股以進及父卒居喪盡禮廬



墓三年 嘉慶志

范廷耀字南峯諸生甫三歲父以力學咯血死祖母姚母羅皆以節孝 旌廷耀稍長孝事二母父殯圮躬自畚土既葬父痛前母陳墓迷所在展父遺墨知葬半湖山求之久從灌莽中搜得石碣始安康熙十三年盜發聞廷耀名相戒弗犯性慷慨有告貸多寡必應庚午秋澇承母命煮粥賑饑存活百計母享色養四十餘年邑令陶以孝義特旌其門 嘉慶志乾隆府志 林貞儒字文源弱冠游庠事母承歡順志與子弟勤學尤好施與見突不舉火者輒捐貲濟之人

上虞縣志校續

卷十一 人物

亦以孝義稱 康熙志

徐驤字天行諸生幼失怙與三弱弟依母嚴守先世詩書性極孝母教甚謹少違禮法卽加箠楚驤受杖不敢辨順治戊子王完勳爲寇奉母與弟妹避郡城舅氏家時欲舉爲監軍固辭遷居山陰萬安坊卒年七十一以孫景南贈文林郎曾孫立綱官晉奉直大夫 乾隆府志據家傳 宋球字寶尙年十二父病貧甚球欲賣身以療鄰里憫其幼釀錢飲之父歿既葬朝夕哭於墓旁植小松爲鹿所嚙輒隕涕曰爾不念我父蔭庇乎鹿不復嚙弱冠祖病不能



溺球以口吮之當晝夜三次病稍差後習爲常祖又嗜鯉家不能給球每釣得一二人以爲孝感所致嘉慶志兼乾隆府志葛

延濂字宗周事父大年母丁備極孝養康熙十一年父母病劇晨夕虔禱旬日俱愈年皆八十餘卒先後廬墓有靈

烏芝草之祥乾隆元年旌嘉慶志兼乾隆府志丁廷瑞孝子潛之

裔髫齡克事父母家貧爲人牧歲寒凍甚父省之曰何寒至此廷瑞解之曰不寒遂三踊三躍額流汗父病剖股以

療壯歲若孺慕鄉黨稱孝子後復有孝子嘉慶志

張成元字大生年十五母王病劇衣不解帶者數月及卒

上虞縣志校續 卷十一 人物 十三

請於父廬墓三年康熙甲寅父起龍得惡疾成元求醫於  
唼粹遇山寇索金不得將加刃泣曰不敢望生第求醫不  
返是併殺予父也言訖哀號賊感其孝釋之及歸而父已  
不救呼夫一慟嘔血數升復廬墓三年事繼母庶母俱循

禮乾隆三年旌子宏訓嘗出粟助縣賑饑全活甚衆嘉慶

志宏毅字仕可父病百計求禱願以身代不三五日形容  
憔悴及父卒慟絕勉起營葬廬墓悲號不二年歿乾隆十

年旌嘉慶志見一統志乾隆府志

王全璧字子蒼諸生順治初山寇執其父葵索金將加刃



全璧甫十齡哀求代死寇感其孝釋之父病百計療治寢食不安者十餘載以是孱弱不壽妻許以節稱弟全琮字子璜諸生母喪以父在不能廬墓及父卒廬於墓者六年同時錢歲亦以孝聞並於乾隆三年旌嘉慶志兼乾隆府志○備稿云府志璧琮作會稽人分二傳不詳其爲兄弟誤

胡元彪字伯文諸生博學工詩文家傳工詩文與陳元事

父母自幼至白首色養備至親歿朝夕至墓瞻拜哀徹空山虎聞遠避人稱其山爲避虎山一日遇遺金於道守之竟日失金者號泣至詢問還之其人曰公活我一家矣乾

上虞縣志校續 卷十一 人物 三

隆十年以孝 旌子有章楨俱庠彥能守遺訓嘉慶志○康熙志元

彪列前明元孫鏌字聲旗附貢生九歲隨母汲井母誤墮井中

鏌卽從入俄遇救俱得出中歲父命游幕秦中一夕忽心痛自念平素未嘗如是殆父病耶急束裝歸父果病且殆

詢病起時卽鏌心痛時也嘗以冬月爲繼母求醫郡中途遇盜盡劫衣物裸體行二十餘里達醫所醫者歎爲神助

貸衣授藥母病亦得愈嘉慶十五年 旌據備稿引一統志兼吳德旋初

月樓文 鈔纂 鏌字南京廩生有至行乾隆庚子應考 恩貢因

侍母病不赴學官趨之急遂辭廩膳以奉母終嘗道拾遺



珠待久不至出東城密訪見老媪哭欲赴水詢之卽失珠者問其數曰三百粒鑰啓櫝數而還之不告姓名

乾隆府志兼家

傳 錕曾姪孫超然字樂坡邑廩生有至性父歿於辛酉難

中超然徧求屍不得爲具冠服斷左手中食二指血淋漓

納諸棺招魂葬之超然從弟仁燿字光甫少穎異力學同

治丁卯舉人考取內閣中書軍機章京陞戶部員外郎

記名御史任事勤慎宅心純正大臣多器重之性至孝在

京供職十餘年留妻子奉事不以自隨光緒丙戌秋以母

老乞養歸卒於途年四十四未竟其用時論惜之

據采訪冊新纂

上虞縣志校續

卷十一 人物

十四

陳啓麟字聖瑞年十六山寇縱掠仆其父於地舉刃欲下

啓麟卽以身衛號呼盜殺我寇揮啓麟數刃傷左股仍呼

號衛父益力賊感其孝釋之後父歿哀毀骨立廬墓三年

乾隆十一年 旌祀鄉賢子際會孫景圖俱有聲庠序

嘉慶

志見乾隆府志

俞木字嗣祺順治庚子歲饑出資賑濟康熙戊午海氛未

靖木請於官同諸兄練鄉兵置守具一日賊犯境率勇前

擊摧其鋒不敢復犯邑有潮患爲築塘捍海罄其家夏蓋

湖舊有十八溝闡蓄水蔭田值旱歲輒爲鄉鄰毀壞木特



設法輪巡永資灌溉邑令高之蕙義之表其門嘉慶志兼通志

陳文煥字明安為廣西巡撫馬雄鎮幕賓甚見敬禮康熙

十三年遊黨孫延齡叛雄鎮被幽上室文煥義不忍去亦

同繫周旋患難四載後逆賊吳世琮趨桂林延齡執雄鎮

詣賊營不屈死十七年 王師下蒼梧文煥乘變出城具

雄鎮死狀軍前事得上聞奉 旨陳文煥忠藎可嘉着從

優議敘授安邱縣知縣在任建學弭盜賑饑有政績乾隆府志

嘉慶志 卒祀鄉賢浙江通志據廣西名宦冊

朱鼎祚字凝齋諸生邑有夏蓋湖周百五里各都田禾藉

上虞縣志校續 卷十一 人物 五

以灌溉鼎祚見堤壞捐葺之湖得瀦水康熙初歲稔出粟

振饑全活甚眾卒祀鄉賢嘉慶志 子璘字青巖由貢監官武

昌府同知攝驛鹽道康熙甲子湖北奉裁兵之令督標材

官夏逢龍即夏包子擁兵叛劫璘與通判張芑璘與芑均奮身

怒罵逢龍令褫衣縛新南門城上自辰至酉暴烈日中璘

氣不少挫次日露刃索印璘厲聲曰我頭可斷印不可得

也復囚禁絕飲食已又遺酒食璘碎其器罵不絕口逢龍

亦歎曰好男子好男子一日逢龍發按察使偽劄給璘武

昌同知偽劄給芑璘芑裂劄大罵逆賊我等豈同汝反耶



賊欲殺之有耆老數百人奔號泣請乃復發營囚禁先是

賊知璘不可威劫防稍疏璘密約芑及王相李國俊共會

守備胡定海家謀討賊至是密與芑東下請援脫身走安

慶乞師璘之被囚也妻邵氏聞變命長子瑞圖懷印繳安

告夫人好自為計小吏有會大將軍瓦岱抵江監命隨征

督催糧餉軍至黃州擒逢龍磔於市以功擢南陽知府河

通志職官表作康熙二十九年任晉南汝光道有政聲公退之暇好學深

思凡經史子集罔不研究纂有歷朝綱鑑輯略明史編年

諸葛武侯文集二程文略八大家古文適諸書行世幼子

上虞縣志校續

卷十一 人物

鵬圖字仲翔歲貢生著有浪雪草堂詩稿嘉慶志兼查昇鄂諸紀事朱光

祖撰傳

何惟貴世居嵩城康熙庚戌歲大歉抵冬饑民載道鄭令

僑捐俸市米施粥五門諭各鄉殷戶賑助惟貴遂同王毓

麟首助並勸各戶輸米凡流移乞賑者命二子旭陽明陽

罄資徧給之義聲聞遐邇康熙志時有好義先生徐旦字膚

公諸生樂善好施予康熙辛未水災出粟周之甲戌夫旱

又振粟如前大嵐山寇起旦率族人助餉請勦邑賴以安

嘉慶志



陳岸三義勇士也年七歲遇勦山寇兵見其魁梧挾之去習騎射各武藝年十六咸精練力能搏虎人呼爲大力岸三回籍由行伍授千總時山寇求岸三不得繫其父開一去賊有識岸三者私釋其父誘岸三岸三聞而詈曰賊奴欲以我爲不忠不孝人耶約城守周某夜躡賊營手刃十餘人返入城曰賊必臨城下吾兵少當先挫其銳數日賊果大集岸三率士出擊賊敗入塔山圍守之戮其魁陳飛天其一突圍逸追不及自城歸里途遇賊目許大頭率百餘人至時岸三竟從一僕奮力擊不勝命僕彎弓中賊膝

殺之衆驚散舉其頭果大如斗寇平陞署黃巖守備一子

歸其三子並居黃巖以武事世其家

嘉慶志

又四都陳曜星

之僕全姓失其名曜星充部吏卒於京遺妻子七人無以歸僕有肝膽爲泣詣同事釀數十金扶襯奉眷屬還中途遇盜力保得脫而僕之妻及子竟被害旣至虞慮幼主無以爲生努力經營至老不倦後曜星子克誠登康熙丁巳鄉薦皆僕力也人以全義僕稱之

據補稿新纂

張鳳岐字一鳳勇略過人嘗從許防守宏道游益習騎射海寧楊雍建巡撫貴州鳳岐與兵謀三載論功固辭歸家



中落充邑工吏康熙十七年王岳壽作亂圍城宏道素識鳳岐能語諸令命充團練使禦賊鳳岐率丁壯陳日新等數百人堅守五日援兵至賊上塔山欲遁鳳岐以此山懸脚與衆山絕導圍山麓盡殲之陞授江西游擊分勦九江等處盜賊民得安堵尋以母老歸隱

嘉慶志兼趙殿最撰傳

陳皓瑜字子攻明翰林諭德美發子也幼承家學工詩古文詞北游京師與宋琬王庭施閏章秦松齡交善松齡招飲出所詠紅葉詩邀衆和皓瑜詩成衆皆擱筆歸名其園曰仔園與同邑韓豐穀陸日函輩詩酒往還時宋琬官浙

上虞縣志校續

卷十一 人物

六

臬屢致書招之不一往著有別餘草子詩字嘉在諸生父常客外詩年十二卽理家政事畢讀書至丙夜竟數十葉悉記憶時范石書趙獻可胡子琢皆學詩於韓豐穀豐穀曰嘉在得乃翁的派不易及也以女妻之一日訪豐穀於城大雨驟至未霽辭歸留之正襟對曰詩所攜鮓脯乾魚待以佐父晚餐者急買草屨著之沾酒走二十里越兩山數溪歸豐穀嘆羨爲作詩紀之族弟子前幼孤幾失業詩攜歸教之讀及能文或德之曰第無負其先人耳德何有焉著有卜園草德顯樓集孫柔克峻克俱有聲庠序曾孫



遇青有至性嘉慶志

韓玉儉字豐毅父廣業見厲賢傳玉儉克承家學尤工詩與同邑陳子攻陸日函輩詩酒唱和韞奇不試授徒講學范石書趙獻可胡子琢輩皆所造就著有悔菴集行世子雲字漢倬登康熙丁酉鄉薦工詞翰多著作虞邑言詩文者必推盧龍韓氏云嘉慶志

徐咸清字仲山明兵部尚書人龍子人龍自虞徙郡城咸清以蔭為監生一歲能識字五歲通一經與毛西河友善遂精字學嘗患梅膺祚字彙疏略乃取楊雄訓纂許慎說

上虞縣志校續 卷十一 人物 充

文顧野王玉篇並川篇篇海等書以正字形取陸法言切韻孫愐唐韻暨宋廣韻集韻等書以正字聲又取經史子集及漢唐諸帖有繫於釋文者以正字義自一畫至衆畫合若干卷名曰資治文字康熙十七年開博學鴻詞科郡

縣薦咸清至都謁高陽相國李蔚高陽工小學與論字多辨詰是非先是閣中判詞例用查議諸字相國謂字書無查字必原判是察字以北無入聲呼察為查因奏凡判詞查字俱改察然終不解沿訛之始會清在座對以漢書貨殖傳有之顧查為在聲之訛非察聲也古在本察字爾雅在察也堯典在璿璣玉衡是也第三聲呼在為查以查與槎同貨殖傳山不查槩即槎槩也字乃從草而諸以在聲故在聲為槎槎轉為查則是查者在聲之轉也若曰察之轉則又也差也豈能轉查乎高陽色變乃復曰



改查爲察可乎曰不可老子曰其政察察亦惟察名不可居故以在字隱察名然則查可乎曰可夫字必有義查無察意而有在聲使以聲同而不顧其義則道可盜也曰道固不可盜而在則可查不觀在又爲裁乎在之爲裁察義同也然裁又爲財則無義矣裁可財則在可查矣裁之爲纜僅義同也然纜又爲才則無義矣才可纜則查可察矣高陽憫然謝而後三相錄試卷糊名終不用益都相國薦起見嘉慶志

之亦不用遂歸越十年卒子東貢生能詩嘉慶志兼乾隆府志○毛奇齡

撰墓銘女昭華有從弟允定字克家歲貢生與咸清蜚聲才名案見列女傳

藝苑時稱二徐蕭山毛西河造門定交謂其詩體俱近襄

陽嘗遊京師以詩謁益都相國奇之延見萬柳堂立成萬

柳堂賦一時傳誦著有涉江草更齋詩文集嘉慶志

上虞縣志校續 卷十一 人物 三

錢霍字去病乾隆府志作會稽人寄籍上虞由諸生貢太學精舉業好爲

詩自闢阡陌不假雕飾性豪飲喜劇談然內狷介恥以詩

文干士大夫嘗遊京師故人居華要者不投一刺少詹事

沈荃獨嚴重之曰去病今之李謫仙也鄉人姚儀好霍詩

爲梓其集欲挾至沅州官署霍至吳門以老不欲往儀遂

居之楓橋歲捐金予之儀死霍還家貧日甚而豪氣不衰

吏部以次除霍訓導檄下已病沒數年嘉慶志兼乾隆府志

杜淇英字斐君原籍山陰從邑名士陳思莊學遂附虞籍

嗣叔上玉爲後事繼母陳敦謹有禮康熙乙卯登賢書戊



辰成進士授內閣中書同宗杜臻仕兵部尙書重淇英博  
洽遇有裁決必徵而咨之淇英引經據史口若懸河都下  
名公卿皆樂與之游越數年乞養歸卒年四十八所著詩  
文多散佚據備稿引家傳纂

丁鶴字芝田明宮詹進之孫歲貢生工制舉義官訓導尤  
工爲詩能力致本原不喜分宗別派之說嘗自言舉人世  
升沈與己身佛鬱渺乎無存何有古人故其詩和平研雅  
無事矜奇而人自不能過弱冠時卽雄踞騷壇與山陰宋  
西洲齊名有才子之目爲毛西河推重著有蘭皋詩選嘉慶

上虞縣志校續

卷十一 人物

志兼刊補引詩  
選序輜軒錄

范蘭字文偉號石書廩生

嘉慶志作  
歲貢生

博通經史爲文汪洋

有韓歐氣詩蒼古有李杜風曲阜顏考功視浙學獨奇其

文梓以行世與趙獻可胡增爲金石交詩中往往及之獻

可字資言增字他山咸以能文稱

嘉慶志兼  
輜軒錄

鄭平字正叔康熙間以吏起家官福建寧化知縣寧自耿

逆亂後歲派免比銀千二百兩值大計藉勘驗名邑復派

數千兩內署用物勒定官價民夫工食短少愆期苗糧耗

羨每石浮征七斗富室紳士夤緣爲姦平涖任廉潔自持



痛革諸弊時米價騰貴窮黎流移平捐俸勸輸按口給糧各鄉設厰施粥諭殷戶糶倉米不足則輒發義倉次日米至價減民賴以蘇有古田坑羅茂養餘黨羅通羅遂等藉減租較斗爲名鼓衆拒捕屢緝屢叛平單騎往諭冀彼感悟鄰邑頑民嘯聚平嚴保甲禁民不入其黨夏月亢旱禾稼枯槁民訛言有賊攻城平令民備禦守望昕宵巡視復設壇祈禱天雨禾登訛言乃息他若雪露屍冤枉免盜賊株連理棄骸佔冢及僞券佔產一時有鄭青天之號在官十有三月上官派輸洋船水腳銀平辭以餽粥不給不輸

上虞縣志校續

卷十一 人物

三

民請代輸不可竟劾去民罷市七日紳耆奔訴監司至有赴京擊登聞鼓者居家訓子姪以教孝弟尙廉恥鍵戶讀書爲士行第一曾孫謨字斯文有文行教弟子有法度從游者徧八邑由歲貢任昌化訓導著有芑園文稿謨子暉

暉子紹孟蜚聲庠序

嘉慶志○謨門下士陳燧字退洲登乾隆壬午鄉薦任孝豐教諭工詩文

賈敬存字在宗歲貢精研羣籍又有徐楠字清江諸生

倜儻而性誠篤甲午科同考力薦不售尋卒見嘉慶志

趙完璧字瞻如幼不爲後母所愛完璧委曲承歡不違顏色母病與妻俞禱天侍湯藥不懈暨愈母感悟曰汝事吾孝至此願後人承汝弗替完璧卒年八十四

康熙志

長子震



陽字奎先以拔貢仕嶺南西寧尹考最第一改補福建漳平並著循聲遭耿變募兵守禦事平將加賞以年老歸據備

稿引范嘉業撰傳附見康熙志

陳步雲字峻飛諸生事父孝夜凡三四起問燠寒饑飽躬進溺器聞歛齣始就寢父患風疾醫者多異說不能決步雲取內經諸書閱之至五更假寐夢人謂之曰子毋讀是書讀詩可矣詩云維虺維蛇女子之兆及寤三復此詩易祥為兆其為姚乎且即訪姚醫治之乃瘳父年八十八終哀毀不入水漿七日父所常坐處終身不坐嘉慶志兼乾隆府志

上虞縣志校續 卷十一 人物

三

謝寧渙字予懷農夫也父病痢寧渙月餘不寐父卒哀毀甚咯血升餘事繼母滌廁膾妻代不從至老弗怠母患熱思食西瓜時當春仲徧覓得之色味如新母兩目盲寧渙以人乳點目舐以舌日三次至八十餘日能見物百日目加明焉母年八旬餘寧渙已六旬未嘗離左右母嘗語人曰我親生三子惟幼者存嘗貿易於外賴此子善養親生不及也嘉慶志兼乾隆府志

陳作霖字時中諸生母張以貞節 旌庶母王生一弟作霖善事二母與弟友愛母病求醫途遇虎虎弭耳而逝侍



病三年衣不解帶母歿廬諸墓江湖沖激將及墓作霖攀  
柏呼天潮爲之退終制後懸父母像室中飲食必先薦乾

隆十三年

旌

嘉慶志兼  
乾隆府志

羅羽豐字習齋諸生父枚年五十舉豐豐七歲隨上冢經  
破岡阪風雨驟至舟將覆諸子姪爭跳岸冀免且挈豐上  
豐以父年老且久痺號泣持父踵願偕溺水水灌脰終不  
動須臾風寂年十七而孤事母袁生母朱輒負米數十里  
外自館穀外不取非義財年五十二卒著有鷹峰集

嘉慶  
志兼

李府  
志

上虞縣志校續

卷十一 人物

三

謝宗嶽字五高僑居會稽九歲父聯祚以軍功議敘同知  
歿於閩宗嶽哭盡哀歸葬近宅里許每從家塾過輒灑涕  
依戀大雨傷墓手掬土培之及長遊幕四方宗嶽擇近省  
往還吳閩豫章者三十年每更寒暑必歸省母及別牽衣  
哭不忍去母強之乃行遇令節宴會少飲卽退偵之則閉  
門泣以不及奉母觴爲憾兄宗禮以食指繁析居宗嶽推  
己所分產讓其兄兄歿寡嫂孤兒悉供給督課之凡十有  
七年遠族有鬻其女者贖歸且選壻備奩以嫁母病亟禱  
神請減己算以益母母尋愈年八十七終宗嶽年亦老悲



號猶孺子廬墓旁乾隆三十八年

旌 嘉慶志兼  
乾隆府志

徐允達字和叔諸生博學工詩文自經史外凡天官壬遁地輿陶郭家言靡不精曉性孝友父廷珪病淋閉以口吮其外腎不為穢兄陳斌歿撫其遺孤自任自信啓迪備至尤好施予有鬻其妻子者為贖而收之著有學圃尤言

嘉慶志兼童國松 自任字慕伊號南野幼喪母慟哭嘔血遂失

聲啾嚶若女子事父及繼母以孝聞每讀書日識數千言登康熙辛卯賢書雍正癸卯成進士及 廷試有貴人閱卷重自任才諷使謁其門不屈榜發名最下下歸家討論

上虞縣志校續

卷十一 人物

兵農錢賦邊防水利諸事居五年選授息縣令引 見卒以聲低下見斥遂浪迹名山大川入粵將為海外遊會有同邑馬某任惠州歸善令強留之未幾卒著有踽踽齋文

集南樓臧否藏於家 嘉慶志兼焦  
祈年撰墓表 自信字斯未諸生五歲

能詩邑名士范石書見而異之曰此天半彩虹也妻以女稍長專力於經病四書解義沿譎博采漢魏以來注家言旁通鉤貫纂四書罪我集又分事列目哀集古書名凡百二十卷嘗曰行文貴奇若東海蜃樓尙已故為文雄博奧衍工草書人爭寶之雍正乙卯舉鴻博以母病未試歸明



年卒

嘉慶志兼參邵  
坡撰墓志銘

趙殿最字奏功系出良坡後僑居仁和生有異稟康熙壬午舉於鄉癸未成進士官刑科給事中世廟命巡視監古塔督理船廠廠用漢官自殿最始至則摘奸除弊貪吏皆望風去請設戶兵刑工四部章程一視京師有不便於民者立約禁革康熙三十八年達賴喇嘛進表明年四川總兵唐希順進復打箭爐各處喇嘛歸附者萬二千戶朝命殿最增置兵壘建設惠遠寺以處達賴喇嘛殿最相視地形建堂樓遊廊凡千一百有奇百日告竣民無謗讟

上虞縣志校續

卷十一 人物

三

又以打箭爐爲全川門戶靈雀寺爲西藏要徑疏請添設守備把總各一員兵丁二百部置營汛首尾相應疏入上嘉悅改詹事府少詹事擢內閣學士尋遷工部侍郎山東旱蝗盜賊竊發特命殿最爲督捕侍郎兼賑饑民先是奸民勾通猾吏囤積米石怨口沸騰殿最悉釐其弊吏無中飽民大悅十一年充殿試讀卷官教習庶吉士明年調戶部侍郎充經筵講官乾隆二年巡視兗豫河道在山東條陳事宜六在河南條陳事宜五又舉劾賢否一疏各予施行殿最之視河也斥儀從駕輕舟相度不差累忝山



東玲瓏壩一名春秋壩舊設涵洞於浮沙上春水微弱量沙堆築及秋汎泛濫沙隨水漂歲糜帑金無算殿最於涵洞中間近溜頂衝之處用石粉塗塞兩邊各留入洞水大仍疊石堵口無春築秋毀之勞賈魯河者爲數郡水歸宿之區前撫臣奏請開通尙未合法殿最就其形勢闊狹相間至匯流地瀦爲陂澤由是堤面無水溢之虞十月調吏部三年晉工部尙書以疾乞歸敦本睦族祭必躬親先塋之在虞邑者以七十之年渡重江之險不以爲疲手編疏稿若干卷子世玉康熙丁酉舉人

嘉慶志○案殿最鄉會科分爲壬午癸未乃康

上虞縣志校續

卷十一 人物

三

熙四十一年也三十八年刺麻歸附時尙未通籍其誤顯然又敘康熙時事不應稱世廟嘉慶志此傳動多乖舛今始存之而附辨於此

胡世昌字我克康熙丙戌進士知直隸雄縣十一年捐俸建義學葺城池濬西壩亞谷易陽三橋築黃邨口閘尋署吳橋縣事有地畝坍塌者勘免糧銀千餘民尸祝之 駕

幸直隸面試詩賦 欽取一等一名 賜御書一幅

乾隆府志

夏熙字春臺任熱河巡檢前後十一年勤職愛民恤罪囚立義冢地當雁積歲收偶歉或有餓夫且出關餬口之人流滯者多塞外苦寒熙首捐資置產作每冬給棉施粥資



人無不知夏巡檢賢者直隸總督面奏將加超擢遽卒乾

隆三十九年浙人祀之宣武門外廣誼園以為土神嘉慶志兼

乾隆府志○案浙人祀之嘉慶志作尙書王際華題 旌封全浙廣誼園顯靈侯福德正神

李蘇字靖頤少孤貧事母茅力田具奉鳴琴承歡愉如也

俞郡守卿題其廬曰德節儀範勸應試辭曰老母在可晨

夕離耶俞問民疾苦曰海防屢潰歲不登疾苦莫大焉俞

為築海塘數千丈蘇精研羣經著有天文志易元養心論

嘉慶志 姚日炎字良臣慷慨直蕙里有大查湖溉田數百頃

并輸灌運河九埭河經久多墾為田雍正己酉日炎捐貲

上虞縣志校續 卷十一 人物 三

請官除田四頃有奇立石五雲橋側以杜復墾據備稿

徐雲祥字彩升號蘆江幼苦誦不輟寒暑弟雲瑞字卿升

號鹿溪讀書兼人父懷玉奇之父歿雲瑞尙幼雲祥奉母

課弟惟謹母病革衣不解帶者月餘雲瑞稍長一以兄為

師法時相砥礪家故貧謂立品當自安貧始康熙壬午雲

瑞舉於鄉雲祥益自奮至癸巳鄉會連捷年五十矣雲瑞

已於壬辰成進士官翰林雖貴嘗傷親之弗獲養也敬兄

尤摯雲祥充 武英殿纂修校錄過勤邁目疾雲瑞朝夕

問視雖溺器必親滌人以為難校錄事竣將議敘吏部或



藉以侵牟雲祥絕勿與通遂寢雍正二年出知廣東新安縣道聞雲瑞主試陝西喜曰吾弟敬慎自矢今膺重任必不負國矣抵新安其俗善訟雲祥廉而能察發奸如神甫三月俗少變竟以廉正忤上官劾目疾歸歸聞雲瑞之訃大慟悲思抑鬱逾年遂卒雲瑞之在館也將改官者數矣有欲爲先容者輒勿應以故闕十三載勿遷然文行醇雅上亦雅知之典秦試回復充會試同考嘗分校禮闈京兆試者再一時名士楊爾德嚴文在李清植輩多出其門復篤交遊好施與都中號爲小孟嘗故人范石書歿卹其遺

上虞縣志校續

卷十一

人物

三

孤人以爲難雲祥曰吾弟少館杭歸遇貧不能殮者輒傾囊以與家無卒歲資而意志怡然此尤難也雲祥著蘆江集雲瑞著鹿溪文集遊秦詩草並行於世

嘉慶志兼補稿引何玉梁撰傳

葉蓁字濟之僑居嵎縣康熙丁酉舉於鄉博通經籍兼長詩古文辭性好山水多所吟詠遺有刪注唐詩簡括得作者意

據嵎縣志

同時李國梁字鞏基爲西園十子之一家素封

而勤學弱冠登康熙庚子副榜雍正間詔州縣各舉一人其房師象山令馬受曾牒薦之艱於遇又困場屋二十餘年竟以明經終家遭火圖籍著述俱無存

嘉慶志兼備稿引越風



陳赤爲字夏蓋以孝義稱母病危夜禱中庭割臂肉爛湯以進母卒慟哭致臂創裂血潰重衣不覺也康熙間有梨園某負博金持戲衣質肆庫主人索之急某誑妻來虞將鬻以償赤爲聞之卽代輸金妻得完聚某泣謝之據采訪冊黃肇敏字克成由貢生授州同有窶人負官鏹鬻其妻肇敏爲之代輸同邑周聲鴻貧而能文肇敏爲治裝促游學京師遇盜歸又鬻田以資其行比聲鴻官河南商邱令招留肇敏一月密置千金篋中報之抵家僕以告肇敏召貧不能葬及未昏娶者代聲鴻給之立盡年六十三卒有官

粵東者致賻金三百謂貸之昔年家人無知者其生平陰

德類如此

乾隆府志兼汪沅撰傳

同邑有陳維屏夏廷相徐安世者

見人鬻妻助以金皆得不鬻鄉黨義之

嘉慶志○采訪冊夏爾昌字金相鄰

有朱姓欲賣妻償債爾昌適得會銀三十兩予之事故載嘉慶志案舊志無爾昌事疑金相爲廷相之誤其名當是爾昌

徐肇楠字寶山寄居會稽家雖貧好施與嘗館京師以館穀周親串至無以應則解衣贈之歲暮訓其子曰制行無玷闕讀書有心得樂莫大焉因貧約而墮厥守將處富貴而喪厥志乎聞者歎服

嘉慶志○府志作肇南

陳兆成字宜赤歲貢



生官奉化訓導仿胡安定湖州教授法撰學規十二則朔望與弟子員集書院講求理學初兆成家貧習藝以不禮於主人改業儒精參數理著有四書辨注太極圖說參同契注嘉慶志兼家傳

徐錫川字于東博學能文虛懷若下乾隆丙子舉於鄉厲京師未嘗過顯者門從游甚眾同時有徐允章字雲官以文學高等入太學授陝西衛經歷上官知其淹雅檄修西安府志並著有續金鑑錄恕齋集又有徐金甌字枚臣徐懷玉字梅川錢登俊字舍南並以工詩文稱金甌著有春

上虞縣志校續 卷十一 人物

秋正業 四庫著錄登俊官通判著有征塗壁稿嘉慶志兼府志

夏攀龍字海會善騎射勇略過人官山東登州鎮總兵以

平賊王倫有功陞四川提督金川不靖 命攀龍率兵勦

之力戰死 賜祭葬蔭一子雲騎尉嘉慶志○案山東四

夏攀龍名待考